

ՍՊԻՏԱԿ ԲԱՂԱՔԻ ՆՈՐ ԵԿԵՂԵՑՈՒ ՀԻՄՆԱՐԿԵՔԸ ԿԱՏԱՐՎԵՑ ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԿՈՂՄԻՑ

Օգոստոսի 10-ին, կիրակի օրը, Ն. Ս. Օ. Տ. Տ. Գարեգին Ա Ամենայն Հայոց Կաթողիկոսի քարձր տնօրինությամբ, Սպիտակ ֆաղափում տեղի ունեցավ Ա. Հարություն Եկեղեցու հիմնադրերի օծման և հիմնարկեֆի արարողությունը: Վեհափառ Հայրապետին ուղեկցում էին Մայր Աթոռի միաբանության անդամներ, Հայաստանի Թեմակալ Առաջնորդներ, ինչպես նաև Ս. Էջմիածնում անցկացվող ժողովին մասնակցող Ամերիկայի Միացյալ Նահանգների Արևմտյան Թեմի Հայոց Առաջնորդ Տ. Վաչե Արքեպիսկոպոս Հովսեփյանը և Մեծի Տանն Կիլիկիո Կաթողիկոսության կողմից մասնակցող պատվիրակության անդամները՝ Տ. Զարեհ Արքեպ. Ազնավորյանը, Տ. Օշական Եպ. Զուլյանը, և Պրմ. Խաչիկ Պապիկյանը:

Վեհափառ Հայրապետին, Հոգևոր դասին և այլ պատվավոր հյուրերին Լոռու և Արագածոտնի մարզի սահմանագծում ջերմորեն դիմավորեցին Լոռու մարզպետ Վիգեն Խաչատրյանը, Սպիտակի ֆաղափախ Աուրեն Ավետիսյանը, Գուգարաց Թեմի Առաջնորդ Տ. Սեպուհ Եպ. Զուլյանը և այլ պաշտոնյաներ:

Արարողության ընթացքում Վեհափառ Հայրապետի ձեռամբ սրբալույս մյուռոնով օծվեցին 16 հիմնադրերը, որոնք խորհրդանշում են Քրիստոսի վարդապետությունը տարածող չորս ավետարանիչների, առաքյալների և Ս. Գրիգոր Լուսավորչին: Վերջում Ամենայն Հայոց Կաթողիկոսն իր օրհնության խոսքն ասաց Սպիտակի քնակիչներին և ներկա հյուրերին. «Ձեզ հետ եմ թե՛ ձեր նեղության և թե՛ ուրախության օրերին: Եղել եմ ձեզ՝ հետ ձեր աղետի, սուգի և ցավի օրերին. այսօր ձեզ հետ եմ ձեր հոգևոր և ազգային ուրախության այս բացառիկ առիթով: Ուզում եմ մասնակից դառնալ Սպիտակի կառուցմանը՝ ուժերիս ներածին չափով: Ծիշտ է. մահը եկավ, վիշտը պատեց ձեզ, բայց մենք եղել ենք ապրելու համար, մենք կոչված ենք ոչ թե մահվան մասին մտածելու, այլ մենք ստացել ենք Աստծուց կյանք՝ այն իմաստավորված ձևով ապրելու համար: Անմահության գաղափարը պիտի շնչավորվի սպիտակիչների հոգում, մենք պիտի միանք Հարսուհող ժողովուրդը»:

Այնուհետև Գուգարաց Թեմի Առաջնորդ Տ. Սեպուհ Եպ. Զուլյանը ամփոփ կերպով ներկայացրեց սպիտակիչների ապրած տառապանքի և անդադրում պայքարի, հոգևոր վերագարթոնքի և, վերջապես, վերածննդյան պատմական դրվագները: Այս ամենը, գրավոր շարադրված թղթի վրա, կնքվեց Գարեգին Ա Կաթողիկոսի, Լոռու մարզպետի և Սպիտակի ֆաղափախի ու Թեմակալ Առաջնորդի ստորագրություններով, ապա ամփոփվեց պաշտանակի մեջ և տեղադրվեց Եկեղեցու հիմքում:

Հիմնարկեֆի ծիսակատարությունից հետո Վեհափառ Հայրապետն այցելեց Սպիտակում կառուցվող ֆաղափային մշակույթի պալատին հատկացված, ինչպես նաև 1988 թ. ավերիչ երկրաշարժից գոհվածների հիշատակը հավերժացնող հուշահամալիրի շինարարական տարածքներ: